



«Бекітемін»
ҚР ОАМ «Балаларды ерте дамыту
институты» РММ директоры
Г.Онланбекқызы
«19» _____ 2024 ж.

«Мектепке дейінгі ұйымның жыл әдіскері» республикалық байқауын өткізу туралы ЕРЕЖЕ

1. Жалпы ережелер

1.1. Осы Ереже меншік нысанына және ведомстволық бағыныстылығына қарамастан мектепке дейінгі ұйымдардың әдіскерлері арасында «Мектепке дейінгі ұйымның жыл әдіскері» республикалық байқауының (бұдан әрі – Байқау) мақсаттары мен міндеттерін, ұйымдастыру тәртібі мен өткізу шарттарын белгілейді.

1.2. Байқау Қазақстан Республикасы Оқу-ағарту министрлігінің «Балаларды ерте дамыту институты» РММ-нің (бұдан әрі – Институт) 2024 жылға арналған жұмыс жоспарына сәйкес өткізіледі.

1.3. **Мақсаты:** мектепке дейінгі ұйымдары әдіскерлерінің инновациялық жұмыс тәжірибесін анықтау және тарату, олардың кәсіби деңгейін арттыру

1.4. Міндеттері:

- білім беру ұйымының қызметін әдістемелік қамтамасыз ету;
- мектепке дейінгі тәрбие мен оқыту мазмұнын тиімді іске асыруды қамтамасыз ету;
- әдіскердің мәртебесін арттыру және оң әлеуметтік және кәсіби имиджін қалыптастыру;
- педагогтерді әдістемелік сүйемелдеу;
- ата-аналарды мектепке дейінгі ұйымның қызметіне тарту;
- инновациялық технологияларды қолдану.

2. Байқауды ұйымдастыру тәртібі және өткізу шарттары

2.1. Байқаудың ұйымдастырушылары – «Балаларды ерте дамыту институты» РММ, аудандық, қалалық білім бөлімдері, облыстық, республикалық маңызы бар қалалардың және астананың білім басқармалары.

2.2. Байқауға мектепке дейінгі ұйымдардың әдіскерлері қатыса алады (әдіскер ретіндегі жұмыс өтілі кемінде 3 жыл).

2.3. Байқау үш кезеңде жыл сайын өткізіледі:

I кезең – аудандық, қалалық (облыстардың, республикалық маңызы бар қалалардың) деңгей (*ағымдағы жылы мамыр*);

II кезең - облыстық (республикалық маңызы бар қалалар мен астананың) деңгей (*ағымдағы жылы маусым*);

III кезең – республикалық деңгей (*ағымдағы жылы қазан*).

2.4. Өңірлерде байқау өткізу туралы хабарландыруды аудандардың,

қалалардың білім бөлімдері, облыстардың және республикалық маңызы бар қалалардың және астананың білім басқармалары бұқаралық ақпарат құралдарында, Интернет-ресурстарда байқау басталғанға дейін күнтізбелік 30 (отыз) күн бұрын жариялайды.

2.5. Педагогтердің құжаттарын (материалдарын) бағалау үшін байқаудың барлық кезеңдерінде аудан, қала, облыс, республикалық маңызы бар қалалар және астана (құрамы кемінде 7 адам) деңгейінде басшылардың бұйрығымен Өңірлік комиссия құрылады.

2.6. Өңірлік комиссия аудандық, қалалық білім бөлімнің, облыстың, республикалық маңызы бар қалалардың және астананың білім басқармаларының қызметкерлері, педагог-зерттеушілер, педагог-шеберлер, педагогикалық шеберлік кәсіби байқауларының жеңімпаздары, әдістемелік қызмет, білім беру саласындағы ғылыми және талдау ұйымдарының қызметкерлері (сарапшылары), сондай-ақ білім беру саласындағы үкіметтік емес ұйымдардың, бұқаралық ақпарат құралдарының өкілдері қатарынан қалыптастырылады.

2.7. Өңірлік комиссия байқауға қатысушылардың ұсынылған материалдарын зерделейді және бағалайды.

2.8. Байқаудың I кезеңіне қатысу үшін қатысушы осы Ереженің 1-қосымшасына сәйкес нысан бойынша белсенді сілтемені көрсете отырып өтінім береді (байқаудың I кезеңінің нәтижелері бойынша жеңімпаздарға II кезеңге қатысуға жол беріледі; II кезеңнің нәтижелері бойынша жеңімпаздарға III кезеңге қатысуға жол беріледі), электрондық форматта келесі құжаттар (материалдар) қоса беріледі:

1) облыстық, республикалық маңызы бар қалалар мен астананың білім басқармаларының **ілеспе хаты**;

2) қатысушының **өтінімі** (осы Ереженің 1-қосымшасы);

3) қатысушылардың санын көрсете отырып, аудандардың, қалалардың білім бөлімдерінің, облыстардың, республикалық маңызы бар қалалардың және астананың білім басқармаларының **өңірлік комиссиясының хаттамасы** (сканерленген көшірмесі);

4) материалдарды қарау үшін қатысушының өтінімінде (осы Ереженің 1-қосымшасы) белсенді сілтеме көрсетілген, **әдіскердің Е-портфолиосы** (осы Ереженің 2-қосымшасына сәйкес әдіскер портфолиосының құрылымы);

5) мектепке дейінгі ұйымдарда әдістемелік жұмысты ұйымдастыру бойынша **жылдық жоспар**:

- педагогтермен (семинар, дөңгелек үстелдер, әдістемелік кеңестер, конференциялар, ашық есік күндері және т.б.);

- ата-аналармен (тренингтер, ашық есік күндері, акциялар, «Аталар мектебі», «Әжелер мектебі», «Әкелер мектебі», «Аналар мектебі» жұмыстары);

- инновациялық технологияларды енгізу, мектеппен байланыс.

6) Байқаудың барлық кезеңдерінде ұсынылған алаң базасында, **оффлайн форматта** қатысушыларға өз тәжірибелерінен педагогтермен өткізілген «Замануи мектепке дейінгі ұйымның әдіскері» тақырыбындағы ең

үздік жұмыстардың (іс-шаралардың) бірін көрсету қажет (ұзақтығы 10 минутқа дейін).

2.9. Байқаудың II және III кезеңдеріне Бас жүлде иегері жіберіледі.

Байқау нәтижелері осы Ереженің 4-қосымшасында орналастырылған қатысушылардың жұмысын бағалаудың сапалық және сандық көрсеткіштеріне сәйкес 5 балдық жүйе бойынша бағаланады.

3. Байқауға қатысушыға қойылатын талаптар

3.1. Облыстық кезеңнің жеңімпаздары келесі бес жыл ішінде байқауға қатыспайды.

3.2. Материалды ұсына отырып, қатысушы:

- жеке деректерін пайдалануға және материалдарды сайтта, баспа басылымдарында, Интернет-БАҚ-та және басқа бұқаралық ақпарат көздерінде орналастыруға;

- материалдарды тегін пайдалануға, көпшілік алдында таратуға, интернет желісіне орналастыруға, шығармашылық жобаларға қосуға, БАҚ-та жариялауға, өндеуге келісімін береді.

3.3. Жіберілген материал рецензияланбайды және қайтарылмайды.

4. Материалдарды ресімдеуге қойылатын талаптар

4.1 Республикалық III кезеңге материалдар «Мектепке дейінгі ұйымның жыл әдіскері» байқауы атауымен i-rrd2021@mail.ru электрондық поштасына **2024 жылдың «10» қазанынан** кешіктірмей жіберілуі тиіс.

4.2. Көрсетілген мерзімнен кеш түскен материалдар қаралмайды.

5. Қорытынды шығару, жеңімпаздарды марапаттау

5.1. «Мектепке дейінгі ұйымның жыл әдіскері» республикалық байқауының қорытындысы бойынша келесі жүлделі орындар белгіленді:

- Гран-при;
- I орын;
- II орын;
- III орын.

Номинациялар:

- «Іскер әдіскер»;
- «Жанашыл әдіскер»;
- «Көшбасшы әдіскер».

5.2. Байқаудың республикалық кезеңінің жеңімпаздары Институттың дипломдарымен және алғыс хаттарымен марапатталады.

5.3. Байқау қорытындылары мен жеңімпаздардың материалдары Институт сайтында <http://irrd.kz> және әлеуметтік желілер беттерінде жарияланады.

Анықтамалар үшін телефон: 8 (7172) 28-09-50

**«Мектепке дейінгі ұйымның жыл әдіскері»
республикалық байқауға қатысуға
ӨТІНІМ**

Мені байқауға қатысуға жіберуіңізді сұраймын.
Өзім туралы мынадай мәліметтерді хабарлаймын:

1.	Жұмыс орны	
2.	Тегі, аты, әкесінің аты (болған жағдайда)	
3.	Педагогикалық өтілі	
4.	Лауазымдағы жұмыс өтілі	
5.	Білімі (қай оқу орнын, факультетті, қай жылы бітірді)	
6.	Біліктілік санаты	
7.	Байланыс телефоны (үй, ұялы), электрондық пошта	
8.	Е-портфолио материалдарын қарау үшін интернет-ресурстың белсенді сілтемесі	

Әдіскердің «Е-портфолиосы»

Байқауға қатысушы материалдарды қарау үшін қатысушының өтінімінде (осы Ережеге 1-қосымша) белсенді сілтеме ұсынуы тиіс.

Е-портфолио келесілерді қамтиды:

1. Әдіскер туралы жалпы мәліметтер.

- тегі, аты, әкесінің аты (болған жағдайда), міндетті түрде 3x4 көлемінде фотосурет салынған;

- жеке басын куәландыратын құжаттың көшірмесі;

- еңбек өтілі;

- білімі (білімін растайтын құжаттардың көшірмелері);

- біліктілікті арттыру (сертификаттар мен куәліктердің соңғы 5 (бес) жылдан аспайтын көшірмелері);

- наградалары (грамоталардың, мақтау қағаздарының, алғыс хаттардың, төсбелгілер куәліктерінің, үкіметтік және мемлекеттік наградалардың көшірмелері).

2. Педагогикалық қызмет мониторингі:

- білім беру ұйымының басшысы растаған мектепке дейінгі ұйым педагогтерінің соңғы 3 (үш) жылдағы білім беру жетістіктері мониторингінің нәтижелері (болған жағдайда).

3. Ғылыми-педагогикалық қызмет бойынша ақпарат:

- педагогикалық тәжірибені жинақтау (авторлық бағдарламалар, оқу-әдістемелік кешендер, оларға хаттамалардың үзінділері (болған жағдайда), педагог қатысқан семинарлар, конкурстар, дөңгелек үстелдер, фестивальдар, озық педагогикалық тәжірибені жинақтау және тарату);

- білім беру және педагогикалық жобаларды іске асыру бойынша материалдар (бар болса);

- соңғы 3 (үш) жыл ішінде (ақпаратты, консультацияларды web (веб)-ресурстарда және әлеуметтік желілерде тұрақты орналастыру – ақпараттық жүйеде растайтын құжаттарды (материалдарды), сілтемелерді бекіту).

**«Мектепке дейінгі ұйымның жыл әдіскері»
байқауына қатысушылардың жұмысын бағалау
критерийлері мен көрсеткіштері (5 балл)**

№	Критериилер	№	Көрсеткіштер
1	Қатысушының кәсіби шеберлігі мен жетістіктерін бағалау	1.1	Соңғы 3 (үш) жылда халықаралық /республикалық/ облыстық кәсіби шеберлік байқауларының дипломдарының болуы
		1.2	Оқу-әдістемелік кеңес (республикалық/ облыстық, қалалық және республикалық маңызы бар қалалар мен астана) бекіткен авторлық бағдарламаларды, оқу-әдістемелік кешендерді, әдістемелік материалдарды (соңғы 3 жылда) әзірлеу және енгізу
		1.3	Білім беру және тәрбие саласында халықаралық/республикалық/облыстық ғылыми-практикалық конференциялар жинақтарында немесе республикалық/облыстық бұқаралық ақпарат құралдарында жарияланымдары бар
		1.4	Мемлекеттік/ ведомстволық/ облыстық және Республикалық маңызы бар қалалардың және астананың наградалары мен көтермелеулерінің болуы
		1.5	Республикалық/ облыстық және Республикалық маңызы бар қалалар мен астана деңгейлерінде мектепке дейінгі тәрбие мен оқытудың жаңартылған мазмұнын іске асыру жөніндегі семинарларда, конференцияларда сөз сөйлеу
		1.6	Республикалық / облыстық және Республикалық маңызы бар қалалар мен астана деңгейлерінде балаларды тәрбиелеу мен оқыту процесін әдістемелік сүйемелдеу бойынша семинарлар, мастер-класстар, конференциялар ұйымдастыру және өткізу
		1.7	Ата-аналармен жұмыстың қазіргі заманғы нысандарын ұйымдастыру бойынша тренингтер, семинарлар, мастер-класстар өткізу (ата-аналар жиналысы, «Аналарға арналған мектеп», «Әжелер мектебі», «Ата-аналарға арналған мектеп»)
2	Мектепке дейінгі ұйымдар педагогтерінің соңғы 3 жылдағы жетістіктері	2.1	Кәсіби шеберлік байқауларының (халықаралық/ республикалық/ облыстық және республикалық маңызы бар қалалар мен астананың) дипломдарының болуы